



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vita B. P. Ignatii Qui Religionem Clericorum Societatis lesv instituit**

**Ribadeneyra, Pedro de**

**Ipris Flandrorum, 1612**

21. Cuiusque generis morbi per B. P. Ignatij inuocationem curati.

**urn:nbn:de:hbz:466:1-45048**

## CAPVT XXI.

*Cuiusque generis morbi per B. P. Ignatij inuocationem curati.*

**S**ed institutum narrationis nostræ scursum prosequamur, aliaque nonnulla miracula, quæ Deus illius precibus eo mortuo fecit; maximeque his posterioribus annis, quibus de eius cōsecratione deliberatio suscepta est. Deus enim multa, varia, & magna in variis prouincijs edit, quibus in ipsum pietas hominum excitetur, & quem admodū in cælo celebratur eius gloria, sic etiam celebretur in terris.

**Eo momento quo Romæ mortuus est Bononiæ nobili matronæ apparuit.**

Eo temporis puncto quo Romæ decessit è vita, Bononiæ splendescens, inclytusque apparuit nobili matronæ viduæ Margarete Delis nomine, & Societatis amantissimæ. Atque illa sine cunctatione visum narravit P. Francisco Palmæ Rectori Collegij, cuius ad aurem solebat animi noxas eluere: mortuumque indicauit Ignatium, ac se vidisse confirmauit, adeoque natis eum coloribus depinxit, ac si eum

antea



antea cognouisset, quem reuera vide-  
rat nunquam. Porro cum eum Patrem  
adiit, quamuis illico rei fidem non fe-  
cit; tamen ubi diei & horæ nuncius  
allatus est, quo die & hora vitam hanc  
meliore commutarat, vera dixisse  
compertum est.

Anno cix. ix. lvi. Kal. Augusti ei  
parentatum est frequentissimo popu-  
lo qui ad eum videndum & veneran-  
dum confluxerat. Affuit inter ceteros  
Bernardina quædam religiosa mulier,  
& magnopere pietati dedita. Hæc  
filiam habuit annos decem & quatuor  
natam, graui periculosaque stru-  
ma laborantem. Quamuis autem ma-  
gnam partem facultatum suarum in  
adhibendas curationes absumsisset,  
non modò tamen inanes impensas fe-  
cerat, sed etiam morbus in dies in-  
grauescebat. Eam illo ipso die mater  
ad templum Societatis adduxit, vt  
corpus B. Patris contingeret. Spera-  
bat enim eius precibus à Deo filix  
restitutum iri valetudinem, quam à  
medicorum ope expectare non pos-  
terat. Sed tanta populi frequentia

Puel-  
lam à  
stru-  
mis in  
saná-  
bili  
morbo  
libera-  
uit.

G conue-



conuenerat, vt quidquid agerent mater & filia, viæ tamen per confertam turbam faciendæ modum inuenire non possent, & ad corpus iam loculo inclusum accedere. Cùm viderent igitur se operam luisse, ac vehementer dolerent, conatæ sunt saltem aliquid reliquiarum B. Patris impetrare, quod acceptum magna fide, magnaque pietate filie collo, strumisque atque vlceribus quæ iam penè in càncrum eruperant mater admouit. Ecce tibi res sanè mirabilis. Nam Dei misericordia meritisque Ignatij filia pristinam valetudinem momento temporis consecuta est, omnibus rei nouitate attonitis, magnoque velut testimonio sanctitatis eius, quod etiam mortuus morbos ab iis depelleret qui eius fidem religiosè & suppliciter implorabant.

Audi-  
ta mi-  
sica in  
eius  
sepul-  
cro.

Anno cto. 10. lxxix. prid. Kal Aug. qui dies est B. Patri natalis quo primum corpus eius translatum est. quidam Dei seruus in eius sepulcro duorum dierum spatio suauissimum concentum & symphoniam continenter audiuit. Romæ Drusilla Torsellina

ægra



agra morbo graui, cum aestu febrique  
iactaretur, ad eamque grauissimus  
capitis dolor accederet, multa reme-  
dia quaesuit, in brachiis, in naribus, in  
capite incidendas sibi venas curauit.  
Sed his omnibus morbi vis non modo  
non leuabatur, sed etiam gliscebat in  
dies. Vbi verò fronti particulam ossis  
B. Patris imposuit, repentinò conua-  
luit.

Alia mulier Olympia Norina tanto  
cruciatu doloris oculorum afflicta  
fuit, vt trium mensium spatio videndi  
sensum amitteret. Adiungebatur insu-  
per continua febris & acerbus capitis  
dolor, qui nullam partem neque diur-  
nae, neque nocturnae quietis eam ca-  
pere patiebatur. Inter horum maxi-  
ma cruciamenta morborum autogra-  
phum B. Patris nomen allatum, quo  
mox ad frontem oculosque applicato,  
protinus vidit, omnique febris & do-  
loris molestia, liberata est.

In eadem vrbe anno MD. CXXVII.  
Hieronymus Gabrielli, puer nobilis  
septimum agens aetatis annum, in ma-  
lignam febrim incidit & lateris dolo-

Ca-  
cam  
cura-  
uit.

Pue-  
rum  
despe-  
ratum  
sana-  
uit.



rem, exigua spe vitæ relicta, qui eodem scripto ab Ignatio nomine recreatus ex morbo periculoque ereptus est.

Filio-  
lam  
cui  
pectus  
obstru-  
ctum.

Anno MD. LXX. XCIX. Ioanna Vrsina Cornelia Vrsina, ducis Cæsi filia tanta tussi quatiebatur, vt respirare non posset, nedum lac sugere. Dux mater eam Patri Ignatio commendauit, obsecrauitque vt ei pristinam valetudinem impetraret: atque vt omnes nosset id beneficij ab se profectum, efficeret, vt in puella repentina mutatio facta videretur. Cùm igitur filiola totam noctem diemque dimidiatum duxisset insomnem, puncto temporis in somnum incidit mox tussis depulsa est, & lac nutricis hausit infantula. Dux autem beneficij memor sepulcro Patris votiuam tabulam imponendam curauit.

Surda  
audi-  
tum  
resti-  
tuit.

Eodem anno Angela Ruggiera penè vnus anni spatio insolitum passa tinnitum in capite, auris dexteræ auditum perdiderat, cui simul atque aliquid reliquiarum B. Patris imposuit, votumque nuncupauit sic extenuandi corpus inedia die eius natali, vt cibos  
omnes



omnes præter panem & aquam exclu-  
deret, sumendæque postridie SS. Eu-  
charistiæ; integram exinde sanitatem  
recepit.

Rursus eodem anno die lunæ qui  
dies fuit XIII. Kal. Aug. P. Michael  
Vasquez religiosus Societatis I E S V  
professus, & studiorum collegij Ro-  
mani præfectus tanta doloris acerbi-  
tate lateris & renum conflictatus est,  
vt frigidus toto corpore sudor erum-  
peret, & velut animam agens sensi-  
busque destitutus moriturus putare-  
tur. Multa remedia leniendo malo ad-  
hibebantur, sed inani conatu. quinim-  
mo quò plura medicamenta fiebant,  
tantò omnium iudicio maiora incre-  
menta sumebat. Igitur B. Patris reli-  
quias afferendas ad se curauit, & ma-  
gna religione atque ex intimo animi  
sensu eidem se commendans, ad eam  
partem quâ acrius torquebatur, ad-  
mouit, & illinc omnis cedere dolor,  
aliasque partes iuuadere quasi fugeret  
persequentem, quas cum eadem illæ  
tangerent, ex illis etiam depellebatur,  
donec tandem vndequaue adhibitis

P. Vas-  
quez  
gravi  
lateris  
dolore  
cura-  
uit.



illo in pristinam valetudinem restitutus est. Nam quarta vel quinta post hora cruenta calculorum fragmenta, velut carnis particulis inuoluta sine sensu doloris eiecit. Sententia medicorum fuit eum lapidem sacrorum pignorum virtute fuisse confractum, & quoniam acutus erat, pupugisse meatus atque læsisse. Ægrotus nulla interiecta mora repugnantibus multis surrexit è lectulo. Eam enim morbi depulsionem non humanam, sed diuinam esse iudicauit, propterea absolutam atque perfectam, nec ex eo quidquam esse metuendum. Eidem Patri Michaeli Vasquez cura mandata fuerat agendi cum purpuratis patribus iis qui ritibus ecclesiasticis præsent, de Ignatio in numerum Diuorum adscribendo: vt videri possit Deus adeo subitum ei acutumque morbum immississe, vt ipsemet beneficium Patris expertus, impensius ad studium consecrationis eius incumberet.

Sana-  
uit cá-  
crum  
qui  
mam-  
mam  
mulie-  
ris de-  
pasce-  
batur.

Rursus alia matrona Romana cancro laborabat qui per alteram serpebat mammam, adeoque grauis erat,



vt iudicio medicorum breui moritura videretur. Ea ad B. P. sepulcrum cum oraret euestigio sensit è caelo vim quandam ad se manare, & paucis diebus nulla facta medicina lues illa depulsa est, nullo etiam remanente vestigio. Et vir quidem eius mulieris argenteam telam, mulier verò papillam item argenteam inauratam sepulcro donarunt in memoriam accepti beneficij sempiternam.

Alia quardam Orintia Casali prægnans, & cui nulla vitæ spes ostendebatur, quod in vtero foetus esset extinctus, cum pectori chirographum B. Patris nomē apposuisset illicò mortuum onus effudit incolumisque permansit. Sed alia miracula edita Romæ prætermittamus, quorum penè infinita est copia; aliasque prouincias Italiæ percurramus.

In agro Anconitano domus est Diuæ Mariæ Lauretanæ in qua sanctissima Virgo nata, æternumque Dei Verbum nostram sibi humanitatem induxit, ibi puer natus annos sex in grauisimum morbum incidit, eumque

Grati-  
dam  
mulie-  
rem  
libera-  
uit à  
morte,  
cuius  
in vte-  
ro  
mor-  
tuus  
erat  
infans

Pue-  
rum  
despe-  
ratum  
sana-  
uit



iam medici desperauerant, cum porrecta illi particula tunicæ B. Ignatij, eoque suppliciter inuocato momento conualescit, neque vires pristinas vlla ex parte desiderat.

Febrim curat.

Mulier Recanati, quod oppidum milliario distat Laureto, grauissima febris exæstuans, etiam ex stomacho cum vehementissimè laboraret B. Patri supplicauit, & mox febris remisit omnisque doloris acerbitas.

Fluxum sanguinis.

Adolescens de vita periclitatus magna sanguinis continenter è naribus fluente copia; at qui nullo remedio fisti poterat, eum reliquiæ Patris suo contactu represserunt.

Vlcus.

Mulieri extremo dolore cruciatæ mamillarū, propter vlcus innatum, eadem adhibitæ reliquiæ salutis fuerunt.

Calculum.

Eadem in vrbe Horatius Leopardus vir nobilis anno *MD. C. XCIX* mense Octobri calculi oppressus doloribus, & obstructis, obturatisque meatibus illis quibus humor à renibus & vesica profunditur in summum vitæ discrimen incidit & iam humana nulla remedia



media suppetebant, Igitur sanctissime Virgini supplicauit vt B. Ignatij meritis curaretur, simul Patris patrocini-um implorauit: res mira, ipso tem-poris momento mitigatur doloris ac-erbitas, vrinam effundit modicoque interuallo granorum arenæ copiam, & lapidum frustra; nec vllum denique remansit morbi vestigium.

Ibidem eodem anno & mense Lu-  
candia, Pompeij Georgij cõiux, quam Palpi-  
tatio-  
nem  
cordis. quintum iam mensem inualetudo gra-  
uissima cordisque palpitatio iactarat,  
particulæ vestis eiusdem appositione  
sanata est. Eadem mulier cum esset  
nonum mensem grauida, fluxissentque  
illi non minus quam viginti sanguinis  
libræ, ita debilitata est, vt quodammo-  
do sensus amitteret, salutem tamen  
suam vt potuit B. Patri commendauit,  
quo factò & fluxus ille sanguinis ste-  
tit, & illa ad se rediit. Nec ita magno  
interuallo cum prorsus eniti non pos-  
set; rursus inuocato Ignatio extin-  
ctum sine dolore foetum emisit, inco-  
lumis.

*Maceratæ*, quod oppidum tribus

G 5 *ferme*



Appa-  
ruit  
agrotæ  
mulie-  
ri.

Dolo-  
rem  
mam-  
millæ  
fana-  
uit.

ferme milliariis à Laureto disiunctum est, mense Nouembri, anno c10. 10. xcix. Domina Elisabethæ Moronæ que eiusdem vrbs Episcopi neptis est animam agenti sine spe longioris vitæ Pater apparuit, eique valetudinem illico restitutum iri promisit, simul iussit eam è lecto surgere, Deoque pro reddita sibi sanitate gratias agere.

Neapoli mense Iunio anno c10. 10. xcix. Domina Ioanna Aragonensis Princeps Castri Bertrandi, dux Terranouæ grauissimis pressa incommodis dextera intumescente mammilla, adhibitisque nequidquã spatio quatuor mensium multis medicamentis ad aliud remedium confugit, imaginem Patris magna in ipsum pietate fiduciaque mammillis adiunxit, & eodem die tumor omnis dolorque abscessit. Anno igitur saculari sacro c10. 10. c. Romam profecta gratias egit, & sepulcro B. Patris argenteam tabulam & quattuor cereos apponendos curauit.

Nolæ anno c10. 10. xcix. mense Nouembri Franciscus Blasius vir nobilis



bilis pestilente febrī vexatus, ad quam Pestilētem febrim  
 accedebant intolerabiles capitis &  
 stomachi dolores, iudicioque medi-  
 corum de vita periclitans: admonitus  
 à matre Zenobia Tolfia, B. Patris osi-  
 culum ad caput applicauit, eoque in-  
 uocato omni sensu doloris, & incom-  
 modo liberatus est.

Lecci ciuitate Apuliæ in regno Mortiferam pleuritidem.  
 Neapolitano femina Patientia nomi-  
 ne Dominæ Antoninæ Cubellæ famu-  
 la, adeo crudeli lateris dolore correpta  
 est, vt desperata vita tantum non ei  
 sepulcrum effoderetur. Allata interim  
 sunt illi sacra pignora B. Patris Igna-  
 tij: quibus applicitis, suauem in lom-  
 num incidit quem ante capere nullo  
 modo poterat, in quo & eundem P:  
 vidit veste sacerdotali indutum. cui  
 ille, filia, inquit, à Deo opem pete: nam  
 ex morbo sanam te faciet: qua voce  
 audita, mox valens lætaque surrexit.

In eodem oppido puer trimulus Offensum Pueri genu.  
 Baronis Beglibonis filius è sinu nu-  
 tricis fortuitò excussus in terram, eo  
 casu dexterum crus grauitè offendit,  
 quem lapsus quia nutrix sibi metuens  
 parens



parentes celauerat. Adeo exulceratum est malum, vt puero semel & iterum, irrito quidem labore, crus fuerit incidendum. Porro cum tertiam incisionem experiri periculosum videretur, pater filio metuens, quem febris ac vulnere deficientem videbat, ad collegium Societatis confugit reliquias B. Patris accepit, addiditque infanti. Interea chirurgi crus tertio rescindere parati puerum meliori locoprehenderunt, qui paucis diebus, curato vulnere omni est periculo liberatus.

Patrem Societatis tempestate Turcis liberauit.

Pater è Societate Natalis Masucanauigans in Siciliam captus est à Turcis, ac sæua tempestate coorta fluctibus absorberitimuit, at fidem B. Patris obtestatus, protinus hanc vocem audiuit: Esto securus, nec enim hac tempestate mergeris, nec deueheris ad Turcas. Itaque tempestas sedata, nauigiaque Turcarum apud insulam Lampadusam à christianis erepta sunt: sic ille duplici piratarum & maris periculo ereptus portum tenuit.

Palermę vrbe Sicilię Cosmas Ferier  
tertium



tertium agens ætatis annum medici  
 celeberrimi filius tanta febris ac dy-  
 senteria pressus fuit, vt pater eius vi-  
 tam desperans funebrem pompam ap-  
 pararet, sed ei admoto vestis sacerdo-  
 talis quæ B. Ignatij corpus attigerat  
 frustulo repente morbo leuari cepit,  
 & patre domesticisque mirantibus ac  
 exultantibus eodem die nullas am-  
 plius eius morbi reliquias sentit. Sed  
 omittamus Italiam ac Siciliam, ad His-  
 paniamque veniamus.

Pue-  
 rum à  
 febris  
 & dy-  
 sente-  
 ria.

Anno MD. IO. LXX. vel LXXI. Toleti  
 hiberno quodam die sub noctem fe-  
 minam quandam nomine Vegam, è  
 familia Alfonsi Villeregalis Duron,  
 & Mariæ Torres vxoris eius, tantus  
 lateris dolor inuasit, vt medici eadem  
 nocte eam confiteri, sacram Euchari-  
 stiam percipere, testamentum facere  
 iuberent, ante lucem morituram ex-  
 istimantes. Hoc vt audiuit vir hone-  
 stus Ioannes Mesa Alfonsi Villeregalis  
 amicus, supplex ad Deum accessit, &  
 duo fragmenta, vnum linei pileoli,  
 alterum corij quo stomachum P. Ig-  
 natius tegere, & ipse Ioannes Mesa  
 ferro

Dolo-  
 rem la-  
 teris:



ferre secum religiosè solebat, ad egrotæ mulieris latus applicuit eoque contactu morbum depulit. Et ah, inquit illa, Domine Ioannes de Mesa, quid mecum actum est? quid est quod mihi tam repente omnem dolorem absterfit?

Dolo-  
rem  
lateris  
& cal-  
culi.

In vrbe Burgensi Domina Francisca Bernui religiosa professa cœnobij S. Dorotheæ singulari virtute mulier & admodum solitaria, magno cruciatu calculi pleuritidisque confecta, patrocinio B. Patris adiuta vnus anni ferè spatio plusquam centum calculos maiores minoresue sine sensu doloris eiecit.

Re-  
pressit  
fluxum  
sanguinis.

Anno verò MD. LXIII. rupta quâsdam pectoris vena, sanguis eidem per os effluens sisti non poterat, donec tandem eius sacci particula quem Pater in Monteferrato primum induit, cum suum pauperi vestitum daret, in sinum recepta, repentè fluxus ille sanguinis repressus est, & ipsa libera incolumisque permansit.

Domina Ioanna Gangora sacra virgo è conuentu de Huelgas, morbo languis



languida, diploma Sedis Apostolicæ quarebat, quo cœnobio sibi liceret exire ad curandam valetudinem. Interim ad B. Ignatij patrocinium confugit, positaque ante oculos ipsius Patris imagine pristinas vires ita reuocauit, vt litteris Apostolicæ Sedis nihil sibi opus esse iudicaret.

Mul-  
tos  
alios  
mor-  
bos sa-  
nauit.

Maria Auala è Franciscana familia grauibus animi molestiis torquebatur. Ei consilium datum vt ad B. Ignatium recurreret, propterea quod is esset qui ægritudinem animi curare posset. Orationi igitur insistens Ignatij nomen oblita, dicebat: O Sancte Athanasi mihi diuinam opem impetra, vt his quæ patior malis eripiar. Cùm hæc diceret, hanc vocem audiuit: Non Athanasius vocatur, sed Ignatius. Esto animo secura, nam eo pro te Deum rogante expetitam sanitatem recipies, quod & factum est.

Affi-  
ctionē  
spiri-  
tus.

Lanzarotus Ruffinus natione Belga variis laborans, à medicisque desperatus chirographo B.P. accepto ad perfectam valetudinem rediit, & surrexit è lecto, stupefactis medicis, atque iis

vario-  
los.

omni-



omnibus qui periculum nouerant. Affectus est eodem beneficio Dominus Lopes de Castro nepos Dominae Eleonoræ Gallo Antistitæ cœnobij S: Dorotheæ, de cuius vita cùm medici Burgenses & Vallisoletani spem perdidissent, ad B. Ignatium tanquam asylum confugit, vouitque certam pecuniam egentibus se daturum, quo facto pristinam valetudinem recepit & confirmauit.

Dolo-  
rem  
eruis.

Franciscus Ortiz pastor ecclesiæ SS. Petri & Felicis vrbis Burgensis biennium acerbam vexationem pertulerat ad crura iuncturasque defluente continenter humorum copia, sed eundem B. Patrem supplex adiit, & perfectam eius incommodi leuationem est consecutus.

Pestem

Sacerdos ex Augustiniana familia vir grauis & è conuentu Burgensi prid. Id. Nouemb. anno CIO. IO. XCIX. in diœcesi Burgensi confessionem audiuit filia Ioannis Gomez pagani hominis puellæ duos & viginti annos natæ, ardenti feбри & peste laborantis. Hortatus porro & illam vt quanto  
posset



posset maximo affectu se B. commen-  
daret. Ignatio, vnaque imagine ip-  
sius ei in sinum data omnis subito lues  
ac febris euauit.

Ciues plerique Burgenses eadem Mul-  
tue correpti, haurientes aquam in tos pe-  
quam immersum fuerat B. Patris osi- stife-  
culum supplicantes pristinam firmita- ros sa-  
tem sunt consecuti. Ipsemet etiam nauit.  
Franciscus Ortiz pastor ecclesie SS.  
Petri & Felicis eiusdem vrbs, per-  
multos hac ratione fuisse sanatos,  
eisque hoc potionis genus se propi-  
nasse testatur. Humanis enim remediis  
deficientibus ad diuina confugit. Nec  
verò obscurum id fuit sed tota vrbe  
vulgatum. Quin Baccalaureus ipse  
Santius Cantabranensis, pastor eccle-  
siae S. Stephani eodem beneficio se  
vsum esse confirmat. Nam contagione  
& acerrima tertiana vehementer af-  
flictus eam aquam hausit, Ignatium-  
que precatus melius habuit.

Eandem bibit & Abel à Turre, ec-  
clesiae S. Stephani eiusdem vrbs pa-  
rochus, sibi propinatam à matre,  
cùm eadem esset peste correptus,  
statim.



Dolo-  
rem  
oculi  
subito  
cura-  
uit.

statimque epoto poculo liberatus est.  
 Madriti P. Michael Garses religiosus Societatis IESV professus ex oculo dextero laborabat, acutissimoque pungebatur dolore, copioso acrique humore eum obruente. Nec incisione venæ, nec ullis remediis leuabatur: quinimmò quò plura adhibebantur, eò magis ingrauescere malum absque vlla quietis intermissione, videbatur. Tandem V. Id. Sept. anno CIO. 10. XCVI. cùm in summo cruciatu dolorum eius oculi fuisset à prima luce in vesperam, P. Bartholomeus Perez misericordia motus, tradidit ei Ignatij nomen ipsius auctoris manu conscriptum, & ad oculum iussit adiungi. Sperabat enim lenitum iri dolorem, vt exploratum iam erat in multis, qui ad eius opem confugerant. P. igitur Garses humi genua posuit, preces concepit, oculum nomine contigit tum cùm acerbissimus vrgeret dolor, & eo ipso puncto temporis restituta sanitate lætatus est. Cubitum discessit, soporatus noctem suauiter duxit, è lecto postridie mane surrexit tem-  
 plura



plum adiit, sacras confessiones audiuit. Omnes denique è collegio sanum oculum vidimus, quem superiori die planè cruentum videramus.

Gandiæ Francisca Vignola ætatis Tibiã  
puellæ  
annum agens decimum tertium, vnus penè anni spatio grauitè ex altera tibia laborarat, nec incedere nisi claudicando poterat, idque admodum agrè, præsertim frigidiori calo, quod valde aduersum & infestum erat. Kal. autem Ian. quo die gratissima circuncisionis Domini memoria ab ecclesia celebratur, anno c 15. 15. c. templum quamuis difficulter ad audiendum sacrum cum adisset, indeque domum rediisset vi doloris vehementer afflcta; Hortante matre salutem suam B. commendauit Ignatio, eiusque nacta chirographum, tibiæ coniunxit, sanata est; ambulauit, ac si nullum vnquam perpeffa fuisset incommodum. Eius pater arte medendi eruditus omnesque domestici factum in miraculorum loco numerauerunt. Postridie eius diei mater & filia ad sacram Societatis ædem Deo Beatoque Ignatio  
grat



gratias acturæ conuenerunt. Cereumque oscillum tholis eius suspenderunt.

Nec huic dissimile contigit eodem loco mense Octobri, anno c. 13. 15 c. Iosephæ Borgiæ Gasparis Ferrieræ cōiugi. Cū enim amplius vnum mensem malè affecto crure loco se mouere non posset, nec vllis medicamentis morbum depellere, Ignatij fidem implorauit ex animo, quintoque Dominicam orationem & Angelicam salutationem in eius honorem recitauit. Id cū triduo continuasset, in lectuloque iacens ac vim profundens lacrymarum, quòd magnis cruciamētis premeretur opem B. viri exposceret, repentinus eam somnus oppressit. In ipso autem sopore Pater ei se videndum præbuit, lætoque & hilari vultu dixit se eius curandi causa venisse, sacraque manu mali sedem contingere visus morbum sustulit, expectata mulier, sanam se esse mirata est, ac manè templum Societatis petiuit, imaginemque ceream obtulit perpetuum accepti beneficij à B. Patre monumentum.

Sed



Sed illud inprimis memorabile,  
quod accidit eodem loco insequentis  
anni mense Nouembri virgini cuidam  
piæ, atque à sæculi consuetudine ab-  
stractæ, Iosephæ Chastellæ, annos natæ  
XL. Illa comitiali morbo laborabat,  
eiusque tanta vis erat, vt à sede ratio-  
nis præcipitem ac seipsam dentibus  
vnguibusque laniantem multi prohi-  
bere vix possent. Cùm vero illa grauis  
agitatio conquiesceret, insolitus dolor  
hærebat in corde, corpus erat adeo  
contritum & debile, vt ne insequenti  
quidem die mouere sese aut aliquod  
opus suscipere posset. Sed cùm audi-  
uisset quanta beneficia per id tempus,  
variis in locis, in homines Deus per  
B. Patrem collocasset, ea nocte qua  
vsitatum malum recurrit solitoque  
vehementius, vt nonnihil rediit ad  
sese, fiduciæ plena, supplex inuocauit  
Ignatium, quinquiesque orationem  
Dominicam & Angelicam salutatio-  
nem percurrit: & euestigiò incoluz  
mem se deprehendit, dolore cordis &  
aliis cruciamentis solutam & liberam,  
quæ ceteroquin æquè ac aliàs ab illa  
sensum



sensuum alienatione remanserant. Quies grata successit, & tranquillam noctem (quod antea nunquam) in somno traduxit. Ut porro diluxit, surrexitque è lectulo, soror & fratris vxor eam domi oberrantem præter solitum cum viderent, magnam in admirationem adductæ sunt. At illa, desinite, inquit, mirari, sed gratias Deo mecum persoluite, qui per B. Ignatium integras mihi vires nullo mali vestigio remanente restituit. Octauo tamen vel decimo post die crudelis adeo vis colici doloris eandem subitò corripuit, vt penè vitam extorserit: sed quæ iam imbuta erat in Patrem pietate, illius protinus implorato auxilio eadē de qua prius facilitate dolor aufugit. Et illa quidem ad sacram Societatis ædem duplicis beneficij testes, binas cereas imagines deportauit, quicunque vero hæc cognouerunt diuinam bonitatem atque potentiam magnificè prædicauere.

His adiungamus & illud quod Deus eodem in loco prid. Id. Decemb. anno superiore seculari perfecit. Puella sep-

tennis



rennis biduum febri agitata neque soporem ceperat, neque guttam aquæ libauerat præfocante guttur angina, adeo vt desperata iam vita parentes sepulturam filia magis quàm medicinam cogitarent. Cum puellæ amita B. Ignatij imaginem conspicata, (quam pater eius vt pote faber ad se delatam habebat domi, ligno includendæ gratia) accepit, atque in spem nõ dubiam erecta ad puellæ caput admouit, opem eius Sancti suppliciter obtestari iussit, ac nouédiales vouere supplicationes, si morbo releuaretur. Paret illa, & seruata quartam horæ partem imagine, matrem vocat. B. Ignatij meritis incolumem se renunciat, cibum postulat. Comedit igitur, bibit, & ea nocte vt viuens valensque dormiuit, postridie vero prima luce, ipsa & amita pariter ad collegium Societatis gratularum iuerunt, votiuas nouendij supplicationes inchoarunt, imaginem ceream suspenderunt.

Nunc continente relictâ ad Baleares insulas cursum dirigamus, in quarum maiore Deus anno **CIO. IO. XCVII.**  
magna



magna & admirabilia per B. Ignatium patrauit. Ioanna Clara Mognera mulier vidua virtutis & probitatis exemplar, luminibus amissis primum dextero deinde sinistro autographo nomine B. Patris imposito, ita videndi sensum recuperauit vt insequenti die solitos labores exerceret, fixisque & non caligantibus oculis solem adspiceret.

Quid de mulieribus dicam, quę inter extremas pariendi angustias deprehensę presentaneam mortem suam, foetus vero etiam æternam iam iamque expectantes, tamen vel pia B. Patris Ignatij inuocatione vel nominis eius imaginisue applicatione feliciter enixę sunt? Multas sane eiusmodi probatę fidei historias possem commemorare, sed vt ne in hoc argumento prolixus sim, vel odiosus, vnã alterãue perstringenda me lectoremque expediam.

Hieronyma Rebaza in hac eadem insula complures dies intolerabili parturiendi dolore, corporis debilitate, animique defectione de vita periclitata



clitata sumtis variis frustra medica-  
mētis, cūm prolem in vtero mortuam  
putaret, quōd nullo motu cieretur,  
potentissima ei medicina ad eam ex-  
pellendam, non sine proposito vitæ  
discrimine parabatur. Sed ea repudia-  
ta, quia nimis erat anceps & dubia, cæ-  
lestem vt securiorem antetulit, afferrī  
sibi rogauit scriptum illud nomen Ig-  
natij, quo tanta miracula in ea ipsa  
insula Deus ediderat. Allatum est XIII.  
Kal. Nouemb. anno CIO. IO. XCIIIX. &  
quarta post horæ parte filium viuum  
sanumque peperit. Sed illud multò  
maiolem admirationem mouit omni-  
bus, quod os infantis pueri medicinis  
redunderet, quas mater superiori tri-  
duo sumserat. Obstetrix eas exemit,  
& ex oculis eiulantis continuo fluxere  
lacrymæ quæ cunctis gaudio risum fe-  
cerunt. Huic miraculo præsens affuit  
Hieronyma Pi, quæ Raphaelis Pi ma-  
trimonium tenebat. Illa decimum sex-  
tum iam annum continua cruciamen-  
ta glandium in faucibus enatarum pa-  
tiebatur, quibus nullum remedium  
inuenerat. Eodem accedebat & illud:

H dens



dens in ore vacillabat, quo magnis inter edendum afficiebatur molestiis. Ergo cum vidisset Hieronymam Rebazam tam admirabiliter per schedulam B. Patris nomine inscriptam periculo in quo versabatur ereptam, idem & ipsa nomen poposcit, quod osculata religiosèque venerata momento temporis euanescente glandium dolore denteque priorem firmitatem obtinente conualuit. Hinc ea mulier eiusque vir tanta pietate fuerunt erga P. Ignatium, vt ad conferenda per ipsum maiora in eos beneficia, Deus commoueri videretur. Nam postridie illius diei, qui dies fuit duodecimus Kal. Nouemb. Ioannes Pi eorum filius duplici tertiana conflictatus est adeo vehemente & periculosâ, vt quarto die cum peccata in aure sacerdotis exonerasset, sacrisque epulis animum refecisset, de sede mentis deturbaretur. Erat ei lingua tumida, oculi depressi atque turbati, ceteraque mortem præcurrentia signa comitabantur: quarto Kal. Nouemb. hæc quam diximus scheda ægro admota, proque eius

eius



eius salute cum lachrymis est à parentibus supplicatum. Et ecce subito febris remittere, æger ad mentem redire, vocem & oculorum claritatem recipere. Et cum hæc fierent hora fere noctis octava, postridie prima luce sanus & incolumis è lecto surgere. Ad eum interim venit medicus, quemque vel mortuum vel animam certe agere putabat, in pedibus consistentem, & carentem feбри valentemque apprehendit.

Equus quo quidam Bartholomæus Constantius chirurgus vehebatur fortuito lapsu sessorem ita humi affligerat, ut capitis congelatio acerbam ei insuper ophthalmiam gigneret quæ nullam homini quietem somnumque indulgeret, iamque alterius oculorum sensum perdiderat, alter ita erat imbecillis, ut lumen solis sustinere non posset. Adeoque morbi quem insanabilem medici iudicabant, curationem abiecerant, cum ipse feria quarta sanctæ hebdomadæ, scriptum flagitavit adferri sibi nomen Ignatij. Res mira, eo qui deportabat introeunte cubi-

H 2      culum,



culum, antequam propius ad eum accederet repente immodicum capitis frigus abcessit, & oculorum dolore mitigato inusitatam cepit animi voluptatem. Ut vero tam admirabilem sanationem ab ea scriptura manasse perspexit, pannos quibus caput eius fouendi gratia inuoluebatur abiecit; exclamauitque: Valeo, valeo: capitis atque oculorum dolore sum liber. Eodem die ianuas fenestrasque cubiculi aperiendas curauit, quas ad arcendum lumen oculo molestum occluserat. Postridie sanus & alacer ad collegium Societatis contendit, ad gratias Deo agendas, à quo propter Ignatij merita iis incommodis esset ereptus omnemque rei gestæ seriem liberis suis narrauit.

Colonia Vich quæ Ludouico Vich auiserat, tribus mensibus non ferendam capitis acerbitatem perpessa, simul vnus oculi lumen amiserat, quippe cuius reflexæ palpebræ sic aciem obduxerant, vt ad eas reducendas medici chirurgique nullas ex omni arte medendi rationes inuenirent, eoque



eoque rem desperatam abiicerent. Tertio Non. Mai. scriptum B. Patris nomen accepit, oculum affectum contigit, Ignatium inuocauit, vltro se palpebræ erexere, videndi sensum recepit, domum Societatis se contulit.

Sed ne prætermittamus Germaniam. Ebesperga locus est non procul à Monachio quæ ducum Bauarię sedes est: ibi mulier parturiens extremos biduum labores perpeffa eniti non potuit, atque ita demum elanguit, vt exhalatura potius animam, quàm foetum paritura videretur. Vir incredibiliter mœrens Patrem Societatis adiuit, qui ibi tunc erat, consilium opemque in rebus aduersis petiturus. Pater memor miraculorum quę Deus variis in locis per B. Ignatium effecisset, & quidem in feminis tali in re ac tempore constitutis, eius opem pro muliere genibus nixus ardéter implorat. Quia porro nullas tum alias eius reliquias habebat, quas ad eam mitteret, Regulas Societatis ab eo olim conscriptas charta inuoluit, viroque tradidit, vt iis tanquam re sacra coniu-



gem religiosè contingeret, Deum auxilio futurū, fiduciam modò tam præclaro opere dignam conciperet. Re perfecta quas longa conflictatio vires ademerat, mulier reuocauit, filium inde peperit velut in figuram pullascentis oui contractum, vehementer obstetrice mirante, ceterisque feminis eius artis nequaquam ignaris. Ceterum & mater & filius vitam incolumitatemque tenuerunt.

Nec prætereunda sunt illa quæ alio sub sole apud Indos euenere. Anno MD. C. XIX. mense Septemb. nauicula S. Mariæ Regalis nomine Cartagenam soluit è portu SS. Trinitatis insulæ Cubæ. Ea vehebatur Bartholomæus Loboguerrero Archiepiscopus Regni nouæ Granatæ, cum eoque eius rogatu Alfonsus Median & Franciscus Figueroa Patres Societatis, aliique complures ordinis ecclesiastici & ciuilib. Iis longa spatia præteruectis & in conspectu Iamaicæ constitutis decimo Kal. Ian. concitata est adeo sæua tempestas, vt omnes ob oculos certissimam sibi mortem proponerēt.

Iam



Iam enim confractus erat maior ma-  
lus, aliusque carchesij, & antennarum  
lacerata vela, tanta violentia vento-  
rum, vt noua reponi nullo modo pate-  
rentur. Tumentes fluctus tanto impe-  
tu ruebant in nauim, vt sub vndis po-  
tius quàm in summis aquis fluctuare  
videretur. Nauarchus Dominicus Ro-  
drigues nomine iam clauum destitue-  
rat secum reputans, nihil opis super-  
esse in rebus humanis, nisi Deus è  
caelo mitteret. Cùm rabies illa tem-  
pestatis vnum diem tenuisset, & in  
horas inualesceret, vectores omnes di-  
uinum numen placádum esse censue-  
runt. híc Patres Societatis memoria  
repetentes ea miracula quæ Deus ede-  
ret eo tempore rogatu B. P. Ignatij,  
eius auxilium ex intimo animi sensu  
flagitarunt, & quantum potuerunt vo-  
ce contenderunt vt Archiepiscopus  
idem ceterique præstarent. Quod cum  
impense ab omnibus esset factum, vio-  
lentissimus repente ventus defecit,  
obstupefactis omnibus & incredibili  
voluptate perfusis, qui cùm se iam  
inter mortuos reputarent, vitam sibi

H 4 modo



modo restitutam videbant. Archiepiscopus Loboguerrero vouit anniuersariam eius diei festi celebritatem, sacrificiumque pontificali ritu, si quando Romanus Pontifex Ignatium in numerum Sanctorum adscriberet. Item & ceteri qui cum eo nauigarunt sua quisque vota concepere, vt ex iis quaestionibus liquet qua de hoc miraculo primùm Santesæ ciuitate noui Regni Archiepiscopo Domino Bartholomæo præsentè sunt habitæ, deinde Cartagenæ auctoritate Domini fratris Ioannis Ladræ è Dominicana familia eiusdem ciuitatis Episcopi.

Sed non tum modò Patres Alfonso Median & Franciscus Figueroa ceterique eiusdem peregrinationis socij è periculis maris, & euidentissimo naufragio, precibus B. Patris emerferunt: anno siquidem c. 15. 10. c. maiori nauigio cui B. V. de Aranzazu insigne erat è nouo Regno Granata renauigantes in Hispaniam, cùm Bahama soluissent, acerrimis tempestatibus iactati sunt. Nam procellæ magno impetu puppim feriebant, proram verò aduer-



aduersi venti, præterea syrtibus periculosis-  
simis cingebantur. heic rursus  
P. Francisco Figueroa reliquias B. Pa-  
tris mari immergente, opemque eius  
suppliciter exposcente subito mare  
tranquillatum est. Sed vt manifestius  
adhuc periculum ad Terceras insulas  
incurrerunt, ita illustrius inibi Patris  
auxilium fuit. Etenim cum ventus ita  
sub aurotam inualuisset, vt nauigium  
in aduersam plagam reiiceret; Nautæ  
ceterique peregrini mortem cernen-  
tes ob oculos, fixis solo genibus palam  
sua peccata confessi sunt, ac Dei mise-  
ricordiam implorarunt, cum ecce  
rupto maiori velo venit omnibus in-  
mentem beneficium illud, quod in  
finu Bahamensi per Ignatium eiusque  
reliquias accepissent. Itaque P. Fran-  
ciscum Figueroa flagitarunt, vt ali-  
quid item reliquiarum eius mari im-  
mergeret, seseque è manifesto mor-  
tis periculo rursus ereptum iret. Au-  
diens dicto fuit Pater, & momento  
temporis (ô Dei bonitatem suos ho-  
nore seruos ornantis) tempestas illa  
sedata, lux dissipatis nubibus cælo



reddita. hinc quotquot eo nauigio uehebantur incredibilem animi voluptatem ceperunt, cum essent non periculo tantum, sed etiam periculi metu liberati, ut illi Patres ceterique qui erant in eorum societate testantur. Ne longum faciam & alij permulti varijs in locis ac regionibus ad Deum confugientes, Ignatiique praesidium implorantes, vel infestas animi libidines subiugarunt, vel animi tranquillitatem in dubijs, corporis valetudinem in morbis, securitatem in periculis, robur in rebus aduersis sunt consecuti.

Vnum ad extremum omnino recens omitti non debet, Idib. Iul. c. 10. c. x. Burburgo non ignobili Flandriae oppido, ope B. Ignatij patratum miraculum. Antonina Masia duodennis puella, D. Alexandri Masij I. V. Licentij vrbis illius Consiliarij filia, cum ab ineunte aetate calculo fuisset obnoxia, eo denique deuenerat, ut ipsos viginti septem dies, restagnantem vesicae humorem occlusis meatibus retinere cogeretur: hinc corpus miserandum in modum intumescere, fe-

bri



br̄æstuarē, omnis cibi appetentia in fastidium verti, doloribus dies noctesque excrucitari tantis ut à tribus iam bene experientibus medicis desperata, nihil nisi acerbam in horas singulas mortem expectaret. Aderat tum forte Societatis nostræ è proximo S. Winnoci Bergensi Collegio sacerdos, qui cum moribundæ puellæ mentionem miraculorum B. P. iniecisset, ipsa protinus in spem patrociniij eius erecta, votum concepit, si quidem eius ope sanitatem reciperet pridiano maceratam ieiunio, quotannis, die eius natali, sacra Confessionis & Eucharistiæ mysteria piè dum viueret obituram. Nonnullis deinde ægro lateri adhibitis B. P. reliquiis, & pleramque insequentis noctis partem acerbissimis conflictata doloribus, mane sub horam tertiam parentes quorum iacebat in cubili repente inclamat, sanam se omnique malo liberam esse; mox longo situ putrescentem corporis sentinam exhaurit, & quidem (quod mireris) sine vlllo doloris sensu, nullis ut ante calculis arenulisue permixtam; simul



simul febris remittit, inflatio detumescit, surgit, ambulat, cibum sumit. Eodem die ad templum, Deo Beatoque Ignatio gratias actura se cōfert, cuius natali die quindecim post dies occurrente, S. VVinoci-bergas ad templum Societatis voti rea contendit. Et hucusque perseuerat incolumis. Res gesta mandato Reuerendissimi D. Iacobi Blafai Audomarensis Episcopi examinata multorumque idoneorum testium ac trium inprimis medicorum iuratis testimoniis confirmata, deinceps ad diuini nominis gloriam seruique eius Ignatij omnium ore celebratur.

## CAPVT XXII.

*Admirabilis Societatis IESV ortus, progressusque expenditur.*

SEd quamuis multa certaue sint ea Smiracula quæ diximus, multoque plura breuitatis causa reliquimus: omnium tamen meo quidem iudicio maximum est illud, cū Deus hunc B. Patrem delegit ad constituendum gubernandumque, & propagandum eum